

ZURRAREN POLTSAK BI ZULO.



(ON MARZELINO SOROA JAUNARI DONKITUA.)

Gizon batek dirua
 beti gorde nairik,
 ibiltzen zan gosiak,
 askotan baraurik;
 beti mordollorako
 dirua nai topa,
 bañan gorputzarentzat
 deus-ere ez opa.
 Ala, bere kaltian
 zebillen munduban;
 beste asko ibiltzen
 diraden moduban;
 noiz-bait ere gorputza
 zitzayon nekatu...
 Ara egun batez zér
 zitzayon gertatu:
 ondo-ezak arturik
 bat-batetan larri,
enplastera bat zuben
 presaka ekarri;
 esanaz:—Deitzen badet
 nik sendakiñari,¹
 agiyan diru asko
 kenduko dit neri;
 eta atso zar ausen

nola dagon trebé,
 merke sendaturikan
 neretzat det obé.
 Bañan onekiñ ara
 zér gerta zitzayon:
 erremedio charra
 onek eman ziyon,
 eta geyagoturik
 len zeukarren miña,
 ekarri bear izan
 zuben sendakiña;
 biyen artian zuten
 utzi ezur-utsa,
 eta ustu, gordian
 zeukan diru kucha.

.

Gizona zurkeriyan
 darabilienian,
 gertatzen zayo bada
 ause geienian:
 gordetziagatikan
 bear aña ez jan;
 zulo batetik sartu
 bañan bitatik juan.

JOSÉ ARTOLA.



(1) Médica,